

Azaroaren 2ko 87/2004 FORU DEKRETUA, irabazi asmorik gabeko entitateen zerga erregimena eta mezenasgoaren aldeko zerga-pizgarriak aplikatzeko erregelamendua onartzen duena.

AZALPEN OHARRA

Testu hau dibulgaziozkoa da soilik, eta ez du inolako izaera ofizialik. Eguneratutako foru dekretu osoa jasotzen da bertan.

I. KAPITULUA. IRABAZI ASMORIK GABEKO ENTITATEEN ZERGA ERREGIMEN BEREZIA APLIKATZEKO PROZEDURA, MEMORIA EKONOMIKOA, ETA ATXIKITZEKO ETA KONTURA SARTZEKO OBLIGAZIOTIK SALBUESTEN DUEN ESKUBIDEAREN EGIAZTAPENA.....	3
1. artikulua. Irabazi asmorik gabeko entitateen zerga erregimen berezia aplikatzearen aldeko aukera.....	3
2. artikulua. Zerga erregimen berezia udal zergen ondorioetarako aplikatzea.....	3
3. artikulua. Memoria ekonomikoa.....	4
4. artikulua. Irabazi asmorik gabeko entitateek jasotako errenta salbuetsiengatik atxikitze edo kontura sartzeko obligazioaren salbuespena egiaztatzea.....	5
5. artikulua. Irabazi asmorik gabeko entitateen ordezkari aritzeko izendatutako administratzaileen ordainsariak.....	5
II. KAPITULUA. MEZENASGOAREN ALDEKO ZERGA- PIZGARRIAK APLIKATZEKO PROZEDURA	5
6. artikulua. Jasotako emaitzen, dohaintzen eta ekarpenen ziurtagiria.....	5
III. KAPITULUA. INTERES OROKORREKO JARDUERETAN EGINDAKO GASTUAK KENTZEKO PROZEDURA	6
7. artikulua. Interes orokorreko jarduera eta gertakarietan izandako gastuak.....	6
IV. KAPITULUA. LEHENTASUNEZKO MEZENASGO JARDUERAK	6
8. artikulua. Lehentasunezkotzat jotzen diren jarduerak egiteari buruz informatzeko obligazioa...	6
V. KAPITULUA. APARTEKO INTERES PUBLIKOA DUTEN GERTAKARIEI LAGUNTZEKO PROGRAMETAN AURREIKUSI DIREN ZERGA ONURAK APLIKATZEKO PROZEDURA	7
9. artikulua. Edukia eta aplikazio eremua.....	7
XEDAPEN GEHIGARRIAK	7
Lehena. Eliza Katolikoa eta bestelako eliza, konfesio eta komunitate erlijiosoak: Zerga erregimen berezia aplikatzea eta atxikitze edo kontura sartzeko obligazioaren salbuespena egiaztatzea.....	7
Bigarrena. Abenduaren 21eko 117/1999 Foru Dekretua, pertsona eta entitate jakin batzuek zerga Administrazioari informazioa emateko betebeharrari buruzko xedapen batzuk garatzen dituen, aldatzea.....	8
XEDAPEN IRAGANKORRA. Udal Zergak itzultzea.....	8
XEDAPEN INDARGABETZAILEA.....	9
AMAIERAKO XEDAPENA.....	9

Apirilaren 7ko 3/2004 Foru Arauak, irabazi asmorik gabeko entitateen zerga erregimenari eta mezenasgoaren aldeko zerga-pizgarriei buruzkoak, erregulatzen duen zerga erregimen berrian ezarrita geratu zen zein beharkizun bete behar diren erregimen berezia aplikatu ahal izateko, eta partikularrek nahiz enpresek egindako mezenasgo jarduerari aplikagarri zaizkion pizgarriak ere finkatu ziren.

Aipatutako foru arauan jasotzen diren lege-xedapenek erregelamenduzko garapenera igortzen gaituzte hainbat arlotan, eta zehazki esanda, bai entitateen beraien zerga erregimenari buruzkoan eta bai mezenasgo jarduerari aplikatu beharreko zerga erregimenari dagokionean.

Erregelamendu honek bost kapitulu eta bederatzi artikuluko ditu, bai eta bi xedapen gehigarri, xedapen iragankor bat, xedapen indargabetzaile bat eta amaierako xedapen bat ere.

Lehenengo kapituluaren arautzen da zein prozedura jarraituko den foru arauan ezarritako beharkizunak betetzen dituzten irabazi asmorik gabeko entitateek zerga erregimen berezia aplikatu dezaten. Era berean, beste bi gai arautzen dira: Batetik, entitate horiek prestatu behar duten memoria ekonomikoaren beharkizunak eta, bestetik, tributatzeko ez duten errenten gainean atxikitzeko edo kontura sartzeko obligaziotik salbuesten duen eskubidearen egiaztatpena.

Bigarren kapituluaren Sozietateen gaineko Zergaren subjektu pasiboek eta Pertsona Fisikoen Errentaren gaineko Zergaren nahiz Ez-egoiliarren Errentaren gaineko Zergaren zergadunek emaitza, dohaintza eta ekarpen kengarriak frogatzeko jarraitu behar duten prozedura arautzen da. Berezi, irabazi asmorik gabeko entitateek 3/2004 Foru Arauaren III. tituluaren mezenasgoaren alde aurreikusten diren zerga-pizgarrien onuradun direnean emaitzak eta ekarpenak jasotzeagatik aurkeztu behar duten aitortzen informatiboa finkatzen da.

Hirugarren kapituluaren, bere aldetik, beharrezko prozedurak ezartzen dira zuzeneko zenbatespenaren metodora bilduta dauden enpresari eta profesionalek, pertsona juridiko zein fisikoek, interes orokorreko jardueretara bideratutako kopuruengatik bidezko kenkariak aplikatu dituzten.

Laugarren kapituluak lehentasunezko mezenasgo-jardueretarako ezarritako prozedura jasotzen du.

Azkenik, bosgarren kapituluaren aparteko interes publikoa duten gertakariei laguntzeko programetan aurreikusi diren zerga onurak aplikatu eta aitortzeko prozedura jasotzen da labur-labur.

Beren aldetik, xedapen gehigarriek bi helburu dituzte: Batetik, beharrezko zehaztapen teknikoak sartzeko zerga erregimen berezia erlijio entitateetara egokitze nazioarte mailako eta lankidetzako arloko akordioetan nahiz horiek garatzen dituen araudian ezarritakoari jarraiki eta, bestetik, irabazi asmorik gabeko entitate onuradunek emaitzak, dohaintzak eta ekarpenak jasotzeagatik aurkeztu behar duten aitortzen informatiboa zehaztea.

Amaitzeko, xedapen iragankor bakarrak itzulketarako eskubidea ezartzen du erregimen berezia aplikatu dezaketen subjektu pasiboek ordaindutako udal kuotei dagokienez. Xedapen indargabetzaileak dio foru dekretu honetan ezarritakoarekin bat ez datozen xedapen guztiak indarrik gabe geratzen direla; eta, azkenik, amaierako xedapenak dekretu hau zein egunetan sartuko den

indarrean finkatzen du, hau da, Gipuzkoako Aldizkari Ofizialean argitaratu ondorengo egunean.

Horiek horrela, Fiskalitaterako eta Finantzatarako foru diputatuak proposaturik, Lege Aholkularitza Batzordeari behin entzunda, eta Diputatuen Kontseiluak gaurko bileran eztabaidatu eta onartu ondoren, honako hau,

XEDATU DUT

I. KAPITULUA. Irabazi asmorik gabeko entitateen zerga erregimen berezia aplikatzeko prozedura, memoria ekonomikoa, eta atxikitze eta kontura sartzeko obligaziotik salbuesten duen eskubidearen egiaztapena.

1. artikulua. Irabazi asmorik gabeko entitateen zerga erregimen berezia aplikatzearen aldeko aukera.

1. Apirilaren 7ko 3/2004 Foru Arauak, irabazi asmorik gabeko entitateen zerga erregimenari eta mezenasgoaren aldeko zerga-pizgarriei buruzkoak, II. tituluari jasotzen duen zerga erregimen berezia aplikatu nahi duten entitateek Fiskalitaterako eta Finantzatarako Departamentuari jakinarazi behar diote erregimen hori aukeratzen dutela.

2. Zerga erregimen berezia aukera adierazten den komunikazioa aurkeztu ondoren amaitzen den zergaldian eta hurrengo guztietan aplikatuko da, beti ere entitateak erregimenari uko egiten ez dion bitartean.

Erregimenari uko egiten bazaio, ukoa aurkeztu eta hurrengo zergaldian sortuko ditu ondorioak. Uko-eskaera zergaldi hori hasi baino gutxienez hilabete bat lehenago aurkeztu beharko da Fiskalitaterako eta Finantzatarako Departamentuari egingo zaion komunikazioa dela medio.

3. Zergaldirik ez duten zergei dagokionez, zerga erregimen berezia aurreko apartatuko lehen paragrafoan aipatutako zergaldietan gertatzen diren egitate ezargarriak aplikatuko zaie, eta ukoak apartatu horretako bigarren paragrafoan aipatutako zergaldia behin hasitakoan gertatzen diren egitate ezargarrietan izango ditu ondorioak.

4. Zerga erregimen berezia zergaldi bakoitzean aplikatzeko, ezinbestekoa izango da 3/2004 Foru Arauak 5. artikuluan ezartzen dituen baldintzak eta beharkizunak horietan guztietan betetzea.

2. artikulua. Zerga erregimen berezia udal zergen ondorioetarako aplikatzea.

1. 3/2004 Foru Arauak 17. artikuluan 4 apartatuan xedatutakoaren ondorioetarako, irabazi asmorik gabeko entitateek jakinarazi egin beharko dute foru dekretu honen 1. artikuluan araututako erregimena aukeratzen dutela edo aukera horri uko egiten diotela.

2. Hiri-lurren Balio Gehikuntzaren gaineko Zergaren salbuespenari dagokionez, 1 apartatuan aipatutako komunikazioa dena delako ondasun higiezinak kokaturik dagoen herriko udalari zuzenduko zaio.

3. Ondasun Higiezinaren gaineko Zergaren eta Jarduera Ekonomikoen gaineko Zergaren salbuespenari dagokionez, 1 apartatuan aipatzen den komunikazioa haiek kudeatzen dituen zerga Administrazio eskudunari, dagokion udalari edo Gipuzkoako Foru Aldundiko Fiskalitaterako eta Finantzatarako Departamentuari zuzenduko zaio.

Zerga horiek Fiskalitaterako eta Finantzatarako Departamentuak zuzenean kudeatzen baditu, esandako komunikazioa egindakotzat joko da foru dekretu honen 1. artikuluan aipatzen den komunikazioa aurkezten denean.

4. Aurreko 1. artikuluan ezarritakoaren arabera udal zergen ordainketan zerga erregimen berezia aplikatzeko eskubidea duten subjektu pasiboek zerga horiei dagozkien zorrak ordainduak badituzte, ordaindutako kopuruak berreskuratzeko eskubidea izango dute.

3. artikulua. Memoria ekonomikoa.

1. Irabazi asmorik gabeko entitateek 3/2004 Foru Arauaren 5. artikuluan ezarritakoa betez prestatu behar duten memoria ekonomikoan ondoko informazioa jasoko da:

a) Sozietateen gaineko Zergatik salbuetsitako eta salbuetsi gabeko errentak identifikatuko dira, 3/2004 Foru Arauaren 8. eta 9. artikuluetan zein zenbakik eta, kasua bada, zein letrak babesten duen salbuespena adieraziz eta bakoitzaren sarrerak eta gastuak zehaztuz. Halaber, gastuak entitateak lortutako errenten artean banatzeko egindako kalkuluak eta erabilitako irizpideak zehaztuko dira.

b) Entitateak bere estatutuetako helburuak edo bere xedea betetzeko egindako proiektu edo jarduera bakoitzari dagozkion sarrera, gastu eta inbertsioak identifikatuko dira. Proiektu bakoitzeko gastuak kategoriatan sailkatuko dira, besteak beste, langileen gastuak, kanpoko zerbitzuen gastuak edo material erosketak bereiziz.

c) 3/2004 Foru Arauak 5.1 artikuluan aipatzen dituen errentak eta sarrerak zehaztuko dira, nola kalkulatu diren azaldu, eta zertarako erabili diren adierazi.

d) Entitateak bere patronoei, ordezkariari edo gobernu organoko kideei euren eginkizuna betetzean izandako gastuengatik nahiz entitateari berezko eginkizunetatik kanpo eskainitako zerbitzuengatik ordainsari gisa emandako diruzko zein gauzazko ordainketak.

e) Entitateak merkataritza sozietateetan dituen partaidetza-portzentajeak, datu hauek ere emanaz: Entitatearen identifikazioa, sozietate izena eta identifikazio fiskaleko zenbakia.

f) Partaide den merkataritza sozietateetan entitatea ordezkatzeko duten administratzaileek jasotako ordainsariak, itzuli diren kopuruak ere adieraziz.

g) Entitateak interes orokorreko jarduerak egiteko beste enpresa batzuekin sinatutako lankidetzak hitzarmenak, horietan parte hartzen duen pertsona identifikatuz eta jasotako kopuruak adieraziz.

h) Adierazi beharko da zer dioten estatutuek entitatea desegiten denean bere ondareari emango zaion erabilerari buruz, eta entitatea ekitaldian desegin bada, zertarako erabili den ondare hori.

2. Memoria ekonomikoa Fiskaliterako eta Finantzeterako Departamentuko Zuzeneko Zergen Zerbitzuan aurkeztuko da Sozietateen gaineko Zergaren aitorpen-likidazioarekin batera.

Hala ere, entitateek zergaldian izan duten sarrera-bolumen osoa 30.000 eurokoa baino handiagoa ez denean eta merkataritza sozietateetan partaidetzarik ez dutenean, ez dute memoria ekonomikorik aurkeztu beharko. Horrek, dena den, ez du eragotziko entitateek memoria ekonomikoa egin behar izatea.

3. Kontabilitateari buruzko araudiaren arabera memoria urtero egin behar duten entitateek 1 apartatua aipatutako informazioa memoria horretan sartuz bete ahal izango dute artikulua honetan xedatutakoa.

Horrelako kasuetan, eta 3/2004 Foru Arauan memoria ekonomikoaz xedatutakoa betetzeko soilik, memoria aurkezteko tokia eta epea eta Zerga Administrazioari aurkezteko obligaziotik salbuesteko kasuak 2 apartatua ezarritakoak izango dira.

4. artikulua. Irabazi asmorik gabeko entitateek jasotako errenta salbuetsiengatik atxikitze edo kontura sartzeko obligazioen salbuespena egiaztatzea.

Atxikitze edo kontura sartzeko obligazioaren salbuespena, 3/2004 Foru Arauaren 14. artikuluan aipatua, irabazi asmorik gabeko entitateei aplikagarri zaiela egiaztatze, Fiskaliterako eta Finantzeterako Departamentuko organo eskudunak egindako ziurtagiria aurkeztu beharko da. Ziurtagiri horretan adieraziko da entitateak honako honen berri eman diola zerga Administrazioari, alegia, aipatutako foru arauaren II. tituluaren arautzen den zerga erregimen berezia aplikatzea aukeratu duela eta erregimen horri ez diola uko egin.

Ziurtagiriak bere indarraldia adierazi beharko du, eta edozein kasutan, ematen denetik eskatzailearen zergaldia amaitu arteko iraupena izango du.

5. artikulua. Irabazi asmorik gabeko entitateen ordezkari aritzeko izendatutako administratzaileen ordainsariak.

3/2004 Foru Arauak 5.4 artikulua azken paragrafoan atxikitze obligaziori buruz aipatzen duen salbuespenaren ondorioetarako, ordaintzaileak egiaztatu beharko du administratzaileen ordainsariak haiek ordezkatzeko duten irabazi asmorik gabeko entitateak jaso dituela.

II. KAPITULUA. Mezenasgoaren aldeko zerga- pizgarriak aplikatzeko prozedura

6. artikulua. Jasotako emaitzen, dohaintzen eta ekarpenen ziurtagiria.

3/2004 Foru Arauaren 25. artikuluan aipatzen den ziurtagiriak ondoko informazioa jaso beharko du:

a) Emailearen eta entitate hartzailearen identifikazio fiskaleko zenbakia eta identifikazio pertsonaleko datuak.

b) Espresuki adieraziko da dohaintza hartu duen entitatea mezenasgoko entitate onuradunen artean dagoela 3/2004 Foru Arauan ezarritakoaren arabera.

- c) Dohaintzaren data eta zenbatekoa, dirutan egina bada.
- d) Dohaintza ez bada dirutan egin, ondasuna eman dela frogatzen duen agiri publikoa edo bestelako agiri kautoa.
- e) Entitateari egindako zerbitzuaren diruzko balioa frogatzen duen faktura.
- f) Dohaintza hartu duen entitateak, bere xede espezifikoak betetze aldera, zertarako erabiliko duen eman zaion objektua.
- g) Espresuki adieraziko da dohaintza ezeztatzeko delakoa, dohaintzak ezeztatzearen buruzko aginduzko arau zibiletan ezarritakoa eragotzi gabe.

III. KAPITULUA. Interes orokorreko jardueretan egindako gastuak kentzeko prozedura

7. artikulua. Interes orokorreko jarduerak eta gertakarietan izandako gastuak.

1. Apirilaren 7ko 3/2004 Foru Arauak 27. artikuluan xedatzen duenez, Sozietateen gaineko Zergaren oinarri ezargarria kalkulatzeko, eta zuzeneko zenbatespenaren erregimenean dauden enpresari eta profesionalen kasuan Pertsona Fisikoen Errentaren gaineko Zergaren oinarri ezargarria kalkulatzeko, enpresek interes orokorreko jarduerak egiteko erabilitako kopuruak gastu kengarritzat hartuko dira.

2. Kopuru horiek kenkaridunak izan daitezkeen, pertsona edo entitate interesatuek idatziz jakinarazi behar diote Fiskalitateko eta Finantzarako Departamentuari interes orokorreko jarduerak egin dituztela, gastuaren zenbatekoa adierazi, eta memoria batean xede horietara bideratu duten laguntza deskribatu eta justifikatu.

Komunikazioa gastuaren kenkaria aplikatzen den ekitaldia itxi baino lehen egingo da.

3. Gastua egitea ekarri duen jardueran lortutako sarrerak subjektu pasiboaren oinarri ezargarrian sartuko dira.

4. Aurreikusitako kenkariak bateraezinak izango dira, kontzeptu berberentzat, jarduerak horien ondorioz inbertsioari emandako zerga-pizgarriekin eta Sozietateen gaineko Zergaren kuotan aplikatu daitezkeen hobariekin.

5. Administrazioaren alde aurreko jarduketak ez du baztertuko zerga Administrazioaren organo eskudunek geroago egiaztatzea gastua egin dela eta esandako helburuetara benetan egokitu dela. Horretarako, gaian eskumena duen Administrazioeko Departamentuari txostena eskatu zaio.

IV. KAPITULUA. Lehentasunezko mezenasgo jarduerak

8. artikulua. Lehentasunezko jarduerak egiteari buruz informatzeko obligazioa.

1. Pertsona fisikoek eta entitateek ekarpenak jaso badituzte Gipuzkoako Foru Aldundiak lehentasunezko jarduerak garatzeko, memoria bat bidali beharko diote egindako jarduerak dela-eta eskudun den Departamentuari ekarpen

horien kontura ekitaldian finantzaturako jardueri buruz. Memoria hori ekitaldia amaitu ondorengo bi hilabeteen barruan aurkeztu beharko da. Epe berean ere, jasotako ekarpenen zerrenda bidali beharko diote ekarpenak zenbatekoak diren, noiz egin diren eta zeintzuk egin dituzten adierazita.

Gipuzkoako Foru Aldundian gaia dela-eta eskudun den Departamentua jarduera horien exekuzioa gainbegiratzeaz arduratuko da. Era berean, ziurtagiri bat egingo du ekarpena egin duen entitatearen eta entitate onuradunaren identifikazio datuak jasoz eta ekarpenaren zenbatekoa eta data adieraziz. Horrez gainera, ziurtagiri horretan egiaztatuko da kopuru kenkaridunak jaso dituzten jarduerak lehentasunezko hartutako jardueren artean daudela eta exijitutako beharkizunak bete dituztela. Horren ondoren, ziurtagiria Fiskalitaterako eta Finantzatarako Departamentuari igorriko dio bidezko diren zerga ondorioetarako.

2. Jarduera horiek pertsona fisiko berak edo entitate berak egiten dituztean, Gipuzkoako Foru Aldundian gaia dela-eta eskudun den Departamentuari jarduera horietara zuzendutako kopuruen zenbatekoa frogatuko zaio.

Gipuzkoako Foru Aldundian gaia dela-eta eskudun den Departamentua jarduera horien exekuzioa gainbegiratzeaz arduratuko da, eta ziurtagiri bat egin beharko du adierazita utziz zein kantitate erabili den lehentasunezko hartutako jardueretarako. Horrez gainera, ziurtagirian egiaztatuko da kopuru kenkaridunak jaso dituzten jarduerak lehentasunezko hartutako jardueren artean daudela eta exijitutako beharkizunak bete dituztela. Horren ondoren, ziurtagiria Fiskalitaterako eta Finantzatarako Departamentuari igorriko dio bidezko diren zerga ondorioetarako Horretarako, jarduera horiek egin dituen pertsona fisikoari edo entitateari bidezko jotzen duen dokumentazioa eskatu ahal izango dio.

V. KAPITULUA. Aparteko interes publikoa duten gertakariei laguntzeko programetan aurreikusi diren zerga onurak aplikatzeko prozedura

9. artikulua. Edukia eta aplikazio eremua.

1. Aparteko interes publikoa duten gertakariei laguntzeko programetan aurreikusita dauden zerga onurak aplikatzeko prozedura 3/2004 Foru Arauaren 30. artikuluan aipatzen den foru dekretuak arautuko du.

2. Zerga Administrazioak egiaztatu ahal izango du kapitulu honetan aipatzen diren zerga onurak aplikatzeko baldintzak betetzen direla, eta, behar izanez gero, bidezko den erregularizazioa ere egin ahal izango du.

XEDAPEN GEHIGARRIAK

Lehena. Eliza Katolikoa eta bestelako eliza, konfesio eta komunitate erlijiosoak: Zerga erregimen berezia aplikatzea eta atxikitze edo kontura sartzeko obligazioaren salbuespena egiaztatzea.

1. 3/2004 Foru Arauak zazpigarren xedapen gehigarriaren 1 apartatuan aipatzen dituen entitateek foru arau bereko 7tik 17ra bitarteko artikuluetan ezarritako zerga erregimen berezia aplikatzea aukeratzen badute, ez dute edukiko zertan egin foru dekretu honen 1. eta 2. artikuluetan araututako komunikazioak. Aitorpena edo autolikidazioa egin beharra dakarten tributuak direnean, zerga erregimen

hori subjektu pasiboak berak aplikatuko du, eta gainerako kasuetan zerga Administrazioak.

Atxikitzeko edo kontura sartzeko obligazioaren salbuespena, 3/2004 Foru Arauaren 14. artikuluan aipatua, entitate horiei aplikagarri zaiela egiaztatzeko, Fiskalitaterako eta Finantzatarako Departamentuko organo eskudunak interesatuaren eskariz egindako ziurtagiria aurkeztu beharko da. Ziurtagiriak indarraldi mugagabea izango du eta bertan frogatuko da entitatea aipatutako xedapen gehigarriaren 1 apartatuan sartzeko dela. Eskaera egitean entitatearen nortasuna eta izaera egiaztatuko dira Justizia Ministerioaren Entitate Erlijosoen Erregistroak inskripzioari buruz emandako ziurtagiria aurkeztuz.

2. 3/2004 Foru Arauak seigarren xedapen gehigarrian eta zazpigarren xedapen gehigarriaren 2 apartatuan aipatzen dituen entitateei foru dekretu honen 1., 2. eta 4. artikuluetan xedatutakoa aplikatuko zaie bai zerga erregimen bereziaren aplikazioa aukeratzeari eta bai atxikitzeko edo kontura sartzeko obligazioaren salbuespena egiaztatzeari dagokienez.

Bigarrena. Abenduaren 21eko 117/1999 Foru Dekretua, pertsona eta entitate jakin batzuek zerga Administrazioari informazioa emateko betebeharrari buruzko xedapen batzuk garatzen dituen, aldatzea.

Abenduaren 21eko 117/1999 Foru Dekretuaren 43. artikulua honela geratu da idatzita:

«43. artikulua. Informatzera behartutako subjektuak eta eman beharreko datuak.

Apirilaren 7ko 372004 Foru Arauaren 25.2 artikuluan eta Pertsona Fisikoen Errentaren gaineko Zergari buruzko abenduaren 24ko 8/1998 Foru Arauaren 107.2.d) artikuluan xedatutakoaren ondorioetarako, entitate onuradunak urte natural bakoitzean jasotako emaitza, dohaintza eta ekarpen kengarriengatik egindako ziurtagiriei buruzko aitorten informatiboa bidaliko dio zerga Administrazioari. Aitorten horretan, bere identifikazio datuak agertzeaz gainera, dohaintza-emaitzen eta ekarpen-egileen honako informazioa ere adieraziko du:

- a) Izen-abizenak edo sozietate izena.
- b) Identifikazio fiskaleko zenbakia.
- c) Dohaintzaren edo ekarpenaren zenbatekoa. Jenerotan egiten bada, dohaintzan emandakoaren edo ekarpenaren balorazioa adieraziko da.
- d) Dohaintza edo ekarpena lehentasunezko mezenasgo-jardueretarako jasotzen den adieraziko da.
- e) Urte naturalean errebokatu diren dohaintza eta ekarpenei buruzko informazioa, halakorik gertatu bada.

XEDAPEN IRAGANKORRA. Udal Zergak itzultzea.

Udal zergak ordaintzean zerga erregimen berezia aplikatzeko eskubidea duten subjektu pasiboek 2004ko urtarrilaren 1etik 2004ko apirilaren 20ra bitartean sortutako zorrak ordainduak badituzte, ordaindutako kopuruen itzulketarako eskubidea izango dute.

XEDAPEN INDARGABETZAILEA.

Foru dekretu honetan ezarritakoarekin bat ez datozen maila bereko edo txikiagoko xedapen guztiak indarrik gabe geratzen dira. Bereziki, indarrik gabe geratzen da abenduaren 27ko 121/1995 Foru Dekretua, ekimen pribatuari interes orokorreko jardueretan parte hartzeagatik zerga-pizgarriak emateko erregelamendua onartzen duena.

AMAIERAKO XEDAPENA.

Foru dekretu hau Gipuzkoako Aldizkari Ofizialean argitaratu eta hurrengo egunean sartuko da indarrean.